



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 14. Guido Pareus Archiepiscopus Remensis.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. Religiosos ex omni Ordine, virtutibus,  
 A.C. 1205. scientia & zelo eximios, qui novellam  
 Imperii sui Ecclesiam Latinam confirma-  
 rent. Hinc Pontifex, datis literis, cun-  
 ctos Franciæ Præsules hortatus est; pio  
 hujus Principis desiderio satisfacerent,  
 atque addit: *Mittite etiam in illam Re-  
 gionem libros, quorum majorem, quam  
 opus est, copiam vobis esse scimus, aut  
 saltem licentiam eos describendi date,  
 ut Ecclesia Orientalis cum Occidentali  
 in celebrandis divinis laudibus concor-  
 det.* Hæc Epistola vigesima quinta Ma-  
 ji data est. In eadem causa Pontifex  
 ad Doctores & Tyrones Parisienses de-  
 dit literas, in quibus excitat; in Græ-  
 ciam migrent, & literarum studia inve-  
 hant, quod Balduinus Imperator arden-  
 ter exoptaret. Tandem ad præstandum  
 novello Imperio præsidium Latinis Cle-  
 ricis Laicisque, tunc in Romania agen-  
 tibus, præcepit, ut saltem anno ibi ma-  
 nerent, nisi res Terræ sanctæ aliud po-  
 stularent.

## §. XIV.

*Guido Pareus Archiepiscopus  
 Remensis.*

*Sup. Lib.  
 LXXV.  
 §. 42.*

Archiepiscopus Remensis, cui Papa tunc  
 scripsit, erat Guido Pareus, ante ip-  
 sius in Germania Legatus, quem anno  
 supe-

superiore in amplissimam Sedem, postquam ea duobus annis vacasset, exerat. Postquam enim Innocentius utramque electionem Theobaldi Archidiaconi Perchiæ, & Balduini Præpositi ad examen vocasset, utramque nullam declaravit. Ne vero Canonici maximo Ecclesiæ Remensis damno iterum jure suo abuterentur, Archiepiscopum eis dedit Cardinalem Guidonem, Episcopum Prænestinum, gente Francum, olim Abbatem Cisterciensem, si modo consentiret; nam eum Papa ad recipiendam Dignitatem cogere volebat. Ceterum Innocentius mandatarios, qui jussa exquerentur, constituit Archiepiscopum Senonensem, atque Abbates Clara-valensem & S. Victoris Parisiis, quod cognoscimus ex Bulla Romæ die sexta Julii anno ejus Pontificatus septimo Verbi incarnati millesimo ducentesimo quarto data. Guido, munere quod offerebatur recepto, possessionem Archiepiscopatus Remensis eodem anno die octava Septembris adiit. Ac primo Pontificatus ejus mense, cum non nulli Brenniæ, ipso Guidone & Roberto, urbis hujus Comite, præsentibus, de Fide Christiana examinati, & Hæresis convicti fuissent, post paucos exinde dies extra mœnia civitatis igni traditi sunt. Ex eorum numero erat Nicolaus, pictor in  
tota

Sæcul. XIII.  
A.C. 1205.

Marlot. 3.  
c. 18.

Sæcul. XIII. tota late Francia celeberrimus. Guido  
 A. C. 1205. vero Archiepiscopus Ecclesiam Remen-  
 sem ultra biennium non rexit, Ganda-  
 vi, ubi Legati Sacræ Sedis Officium ob-  
 ibat, die trigesima Julii anno millesimo  
 ducentesimo sexto fatis functus.

## §. XV.

*Benedictus Legatus in Romania.*

Gest. n. 100. **Q**uamquam Petrus Capuanus Legatus  
 anno millesimo ducentesimo quin-  
 to adhuc Constantinopoli versabatur, ni-  
 hilominus Papa Benedictum Presbyte-  
 rum Cardinalem titulo S. Susannæ, cum  
 potestate S. Sedis Legati per totam Ro-  
 maniam, illuc misit, tum quod Petrum  
 Capuanum Terram sanctam repetere  
 iussurus esset, tum quod crederet, ma-  
 jorem novi supervenientis Legati reve-  
 rentiam futuram; nec ea conjectura Pa-  
 pam sefellit. Benedictum igitur Inno-  
 centius Balduino Imperatori aliisque Ro-  
 manix Præsulibus commendavit, datis  
 litetis, in quibus dicebat; translato Im-  
 perio sacerdotium transferri necessa-  
 rium esse. Verum non dispicimus, quo  
 fundamento nitatur hæc Regula. Nam  
 dicit quidem S. Paulus; *Translato enim  
 sacerdotio, necesse est, ut & Legis trans-  
 latio fiat.* At Sacerdotio Novæ Legis  
 & Reipublicæ nihil commune est. Tum  
 subdit Papa; cum ipse proficisci non pos-  
 sit,

8. ep. 56. 57.  
 ap. Rain.  
 1205.

Hebr. 7. 12.